

NotiOCA

Pa dilanti cu e promesa

Manera priminti, ata aki nos siguiente "Noti-OCA" y danki pa e reaccionnan. No lubida cu nos tambe ta spera di recibi contribucion di boso como miembro y caballista. Tin hopi cos ta pasa y nos no ta pretende di sa tur cos.

DEN E EDICION AKI:

Aruba na Ocala	1
Cabalgata	2
Evento di AVP	2
Otro bida nobo	3
Juan David Ochoa	3
Cabay na benta	4



"Hechizada" den "Ocala Extravaganza"

Punto nan di interes:

- Aruba na Ocala
- Cabalgata posponi
- Cria di Premio Mayor de San Marcos
- Brigitte ta bek

E storia grandi di e edicion aki ta e hazanya di "Hechizada" den "Ocala Extravaganza" den e fin di siman di 27 ultimo. E yewa di Alina Mansur, cu ta yiu di "Dulce Sueño" a pone tur hende para straight den e coliseo di Ocala. E presentacion di "Hechizada" no a bai sin su sensacion. Den su prome salida, e hueznan a saca e yewa afo, ya cu e no tabata

cumpli cu e normanan di e huzgamento. Entre 11 participante e yewa a duna e impresion di tabata incomodo y su montador Alex Cybul tambe a sinti e problema, ya cu e tampoco tabata comodo. E carson di e uniform cu ela fia tabata asina perta cu e tabata stroba e movilidad di su pianan. Asina nan a sake, Alex a sali na careda pa e prome shopping mall cu

e por a hanya pa cumpra un carson cu e lo por a usa den e final cu tabata 2 hora y mei mas despues. Pa e final 9 participante a drenta e pista y desde e comienso a muestra cu e yewa di Aruba tabata den e cabez di e lote, cu a consisti di yewanan di fama manera "Ficcion de la Cosecha" (campeona mundial di amateur owner), "Ilushion de AF" (gran campeona reserva di Spectrum)

Hechizada na
Spectrum



Cont. Hechizada na Ocala

y "Siriana de Mark" (campeona reserva 2012 di Extravaganza). E splicacion di e huez Martin Emilio Velez di Colombia, tambe na number di su coleganan Milky Pastrana di Puerto Rico y Debbie Wolkowicz di Merca tabata bon cla. "Hechizada" tabatin e mihor y mas flexibel tracera, loke a hacie e yewa mas comodo y merecedor di e titulo di Gran Campeona di Ocala Extravaganza 2013 di amateur owner.

Nos por ta orgulloso di loke nos por a mira y tende den e seccion di deporte di ATV.

Pabien ta bai na Alina y Alex cu e gran resultado aki y spera cu pronto e gran yewa aki por ta na Aruba.

*Cuanto buki
boso tin bendi
caba? Sigi
pusha pa asina
por bende mas
hopi posible.
Pa por
persigui cu e
plan nan
grandi pa
Interpaso
2013*

"Back to School" Cabalgata posponi

A surgi algun inconveniencia chikito pa organisa e cabalgata grandi pa dia 10 di e luna aki. A scohe conhuntamente pa tene esaki e siguiente Diasabra, esta dia 17 y e salida lo keda Rancho La Ponderosa. OCA ta desea di mira hopi propietario y tambe famianan completo pa monta den e cabalgata aki. Importante ta cu durante e salida, pero tambe durante e momento di relaha despues di e cabalgata cu nos por sinta un momento hunto y socialisa, contento cu e amistad cu nos ta comparti cu otro. Mas detayes di e cabalgata lo sigui den un comunicacion directo na tur miembro y caballista.



AVP na Floralina y OCA tin sopi

Diasabra dia 10 tin un evento grandi y publico di AVP na Villa Floralina y na e ocasion aki OCA, manera anuncia na e reunion general lo tene un accion pa recauda fondo, mediante benta di soppi. Lo busca pa hanya donacion di diferente soppi varia, pero cada un pa 50 persona pa bende. E soppi por ta traha na cas of nos por pidi restaurantnan pa hasi esey como donacion. Mas informacion lo sigui despues.

Otro cria na Villa Floralina

Diadomingo mainta siman pasa a nace na Villa Floralina e prome yiu di "Premio Mayor de San Marcos", cu a sali net un paar di dia prome e Gran Campeon di trote y galope di e reconocido "AgroExpo 2013" na ciudad di Bogota. E ehemplar aki tabata tambe e campeón reservado di e feria Nacional 2013. E reproductor aki a insemina e yewa "Renata" net dos siman prome di a viaha pa e finalnan di Augustus 2012. E yewa a cumpli exactamente cu su 11 luna di priñez pa produci un potranca castaño cu 3 pata blanco, hopi parecido na su tata. Den su dos salidanan na Aruba "Renata" a bira e Gran Campeona Reservada y despues ela bira e Gran Campeona.



Noticia di Exterior

Actualmente ta na Aruba, e ex-alcalde di ciudad di Medellin y e actual Gobernador di e departamento di Antioquia, professor Sergio Fajardo, hunto cu su esposa dr. Lucrecia Ramirez Restrepo. Ademas di ta e arquitecto y e mente intelectual di e cambionan di infraestructura desde 2004, nan ta un famia masha pasiona cu nan cabainan di paso cu ta hospeda na nan criadero na Rionegro. Nan a probecha durante nan estadia pa estrecha man cu e caballistanan local, cu e mesun sentido di hermandad y colegialidad manera caballistanan ta hasi rond mundo.

Papiando di Colombia y Medellin en particular, e mal noticia cu a drenta ta cu e gran caballista Juan David Ochoa a fayece den e fin di siman di un ataque di curazon. Como yiu di e legendario Fabio Ochoa, ela lanta den cabai y a cuminsa despues hunto cu su ex-esposa Sonia e renombrado criadero "La Vitrina" cu a produci un monton di cabainan super, manera "Capitan", "Cortesano", "Cortes", "Zacharias", "Paisaje", "Rock", "Banderin", etc.




Brigitte Werleman bek pa keda

Caballistanan ta di fiesta awe.

Hiep, hiep, hoera ta bai pa Brigitte Werleman y no ta pa motibo cu ela hasi aña, sino pa algo mas grandi ainda. Brigitte a caba di gradua pa su studio na Merca di Master den Accounting. E ta regresando Aruba, e ta bai traha pa e prestigioso empresa di PriceWaterhouseCoopers, pero tin mas ainda. Den e reunion general annual Brigitte a keda elihí pa un puesto den directiva y e lo asumi e posicion ey, manera nan ta bisa na Colombia . . . "de una" ! E ardiente amazona aki lo comparti tur e ocupacionnan ariba menciona cu su pashion di caballista.

Eigenlijk no ta un welkom, ja cu Brigitte nunca no a bai . . . solamente nos tabata perde pa algun luna tras di otro.



O.C.A.

Oranjestad

Aruba

Phone:

(+297) 594-2495

Fax:

(+297)582-3005

E-Mail:

ocaboard@ocaruba.
com

Nos website:

<http://www.ocaruba.com/>

Balalaika na benta

Ta bende e yegua di nomber balalaika

Color castaño

Modalidad Trocha (p3)

Edad 87 meses

Hija de Victorioso (Timonel) x Intrusa (Dali) hermana materna de Eos Campeona na Curacao y ruman paterna di Victorino multiple Campeon.

Primer puesto en Nacional 2010 den su categoria

Yegua hopi manso, pero cu brillo.

Pa informashon: di prijs por manda email na epanneflek@gmail.com of por yama 6001702



Ditjes

Tene cuenta cu e siguiente competencia di cabai ta fin di e luna aki. Cuater siman pa prepara pa pista ! E lo ta un competencia nacional cu tur e modalidadnan y exigencianan. Augustus 31 y September 1 ta un cos serio !

&

Datjes

Den e corant "Ultimo Noticia" di Corsow por a lesa den e columna di Eddie Alberto cu Aruba a cumpra un potranca prometedor di e cabai "Caucus" y cu e ehemplar aki lo bin Aruba hunto cu e cabainan cu ta bin pa "Interpaso 2013".

Tokante nos Organizacion

E Organisation Caballistico Arubano OCA a wordo funda na año 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.